

孫康侯先生鑒定

西湖聯話

康有為題



初編

中華民國十七年三月出版

定價銀圓三角

編輯者 杭縣楊祚昌

發行者 杭城 文元堂書莊

上清河坊三十四號門牌

印刷者 長興鉛石印書局

杭州興武路廿一號
電話西字四二七號

分售處

(杭城) 谷書坊 (紹興) 墨潤堂
育新書局 (寧波) 汲經齋 (上海)
下頤堂大東書局 掃葉山房
啓新書局 內冷印社 受古書店
蘇州 掃葉山房 (南京) 萃文書局
(北京) 直隸書局 (重慶) 善成堂
(漢口) 善成堂 (濟南) 山東書局

西湖聯話初編序一

吾浙西湖山水名勝甲天下若歐人之遊瑞士者類相等焉故中外士女於春秋佳日無不梯山航海漫遊其間洵爲浙中一絕妙遊覽所也湖山佳處祠宇林立自唐以來名賢循吏奉以尸祝者不可勝計凡後先憑弔者莫不低徊往復詠嘆流連卽其間歌舞樓臺古今坵墓亦莫不騁所悅豫感慨悲譌此楊君耀松所以有西湖聯話之作也楊君勤於攷古爲杭州書估中之巨擘舉聖湖中名人所撰之聯彙爲一編計分孤山路北山路南路江干路吳山路共爲五卷搜羅完美至爲概括戊午秋錢唐吳綱齋學士創議附祀先諫議公於白文公祠耀松已輯入遊杭紀略中今復將附祀楹帖薈而錄入不啻身當臥遊益動悠然懷古之思也雖然匪獨士林韻事且裨益行旅尤非淺鮮矣耀松先出初編問序於余因捃摭其崖略以爲簞

引

戊辰春二月既望紹興樊鎮漱圃序

西湖聯話初編序二

自昔撰聯話者爲聯中之話而余所編聯話乃話中之聯蓋以市肆所編西湖楹聯陵獵無序開卷登孤山之聯忽又插入南山登北山之聯忽又闌入城中讀者目眩神迷無由得其要領因倣田氏西湖志次路之例編輯之曰孤山路曰北山路曰南山路曰江干路曰吳山路此綱領也綱之外又分爲目孤山路之目曰白沙隄孤山蘇公隄裏湖外湖北山路之目曰錢塘門白公隄寶石山葛嶺棲霞嶺仙姑山九里松靈隱山北高峯飛來峯三天竺中天竺上天竺南山路之目曰湧金門清波門南屏山雷峯塔方家峪赤山九曜山南高峯友慈山丁家山靈石山風篁嶺九溪五雲山萬松嶺鳳凰山江干路之目曰錢塘江包家山龍山月輪山定山吳山路之目曰吳山七寶盪瑞石山伍公山凡山水古蹟寺觀祠宇園墅塚墓之屬其有楹帖

準諸綱目按其地而次第登之向所謂陵獵無序目眩神迷者其或
免乎所媿者見聞淺陋挂漏必多尙期邦之賢達有以教之茲先出
孤山路初編一卷約略撮要再由北山路而至吳山路續出五編爲
尋幽討勝者之快讀云戊辰春楊祚昌序

西湖聯話初編

錢塘楊祚昌耀松輯

孤山路

平湖秋月
在孤山路康熙三十八年聖祖御書四字爲十景之一
勒石建亭前爲高臺旁構重軒曲欄畫檻直挹波際額曰胡天一碧
欲把西湖比西子 更邀明月說明年

無名氏集句

萬頃湖平長似鏡 四時月好最宜秋

石治棠

裏外湖瑞啓金牛地注淵泉卅里澄波無限好
古今月光含玉兔天開圖畫一輪籌魄此間多

沈閻峴

勝地重新在紅藕花中綠楊陰裏

清遊自昔看長天一色朗月當空

阮文達公元

憑欄看雲影波光最好是紅蓼花疎白蘋秋老

把酒對瓊樓玉宇莫狐負天心月到水面風來

彭剛直公 玉麟

玉鏡靜無塵照葛嶺蘇堤萬頃波澄天倒影

冰壺清濯魄對六橋三竺九宵秋淨月當頭

曉峯方伯德馨

天開眉目山川麗地淨宮毛水石靈

謝光綺

穿牖而來夏日清風冬日日

捲簾相見前山明月後山山

駱成驥

白文公祠在蘇公祠左祀唐杭州刺史白公居易嘉慶九年浙撫阮

元建

但是人家有遺愛曾將詩句結風流

阮文達 元集句

明月來相照好風與之俱

橫翠樓

樊諫議祠在白文公祠內祀唐諫議大夫樊公宗師祠久荒蕪樊公
裔孫山陰樊激圃於民國七年修葺並由浙紳吳綱齋舉士士鑑等

謁議附祀

詞源倒傾三峽水 綠楊宜作兩家春

伊通齊耀珊

史傳記新書行誼臚陳韓薦狀

神交懷舊侶允宜配饗白公祠

南皮張厚崇

贈答久傳長慶集 馨香同占望湖樓

錢唐吳憲奎

湖上薦新茶一樣循良不須分別杭綿絳

花前思舊雨幾人老壽惜未偕來吳李韋

餘杭章錢

破屋孰誰憐惟公潭水深情貽書常問維摩疾

崇祠堪附祀對此湖山勝景作記應同絳守居

餘杭章錢

一卷守魁紀 百世尊南陽

紹興諸宗元

春社競西湖憶向花前歎零落

嘉賓來東洛尤欽身後尙殷勤

杭陸啓

昔與香山友今與香山祀載誦篇章允配西湖新結社
生而退之狀歿而退之銘聿傳著作派分東浙再開宗

錢塘童璣德

生蓄萬物雄視三唐

穎上許星槎

綿絳二州其百姓皆曰刺史有德

湖山片席後千年恰與使君同龕

慈利吳恭亨

平生心迹最相親惟此醉太守

詞賦擅名來已久宜登君子堂

杭汪欽

長慶老人喜邀嘉賓主東道

絳綿太守爲尋舊友到西湖

新絳權銓

精討錙銖知希我貴 覈量文質獨出古初

孫寶琦

孝友聰明識時知變 窮究經史善爲文章

徐珂

白太傅神交千古 樊絳州雄視三唐

張蔭樸

鬼眼瀕耳

蟠紅頰青

朱錫麒

蘇文忠公祠與白公祠毗連祀宋龍圖閣學士知杭州蘇公軾公舊合祀於湖上四賢祠嘉慶四年杭嘉湖道秦瀛始爲公建專祠於孤山之麓

泥上偶來留指爪

故鄉無此好湖山

華秋槎集句

欲共水仙薦秋菊

長留學士住西湖

阮文達公元

一生與宰相無緣始進時魏公誤抑之中歲時荆公力扼之卽論免役溫公亦深厭其言賢奸雖殊同悵君門違萬里

到處有西湖作伴

通判日杭州得詩名出守日潁州以政名垂老投

荒惠州更忘情於佛江山何幸但經官轍便千秋

金安清

自蠻鄉瘴海遊歷而還勝地重臨憑管領六橋風月

與白傅林逋後先相望崇祠近接恰平分一席湖山

德馨

蓮池庵雍正五年浙撫李衛以馬公祠改建尼庵仍祀嘉澤龍王像以存舊蹟旁有白蓮池增修西湖十八景謂之蓮池松舍

松舍開蓮池記敏達重新歸愚曾詠

湘簾渡寶筏是水仙舊宇我佛精藍

徐裕綬

陸宣公祠祀唐宣公陸贄明嘉靖間建在孤山之陽雍正九年重修尋移蓮池庵東乾隆十六年御題內相經綸匾額

兩廡薦馨香咸欽名相謨猷大儒學問

六橋攬風月猷似川雲宦跡烟雨家鄉

富尼揚阿

照膽臺在公園東祀漢關壯繆明萬歷杭紳金學曾建前有三義閣後有清嘯亭亭後卽瑪瑙坡也向有玉印一方相傳爲神所佩

玉印署封侯翌漢忠貞昭日月

錢塘新廟貌倚亭清嘯覽春秋

程鍾駿

與帝胄作股肱蜀統常尊一片忠貞留漢印

爲人臣誅僭亂曹瞞雖詐千秋肝膽照秦臺

失名

聖以武成前無古人後無來者

義與道配下爲河嶽上爲日星

王吉檀

浙江忠烈祠本爲清聖祖行宮嗣經浙撫李衛奏改佛寺內供聖祖神御龍牌賜額曰聖因其御書扁額曰澤永湖山曰慈雲徧蔭曰超諸有境爲湖上四大叢林之一宣統辛亥浙兵攻金陵其將士之陣亡者就寺改祀之今寺雖改而御製聯語及諸臣所上者人民猶能記之因彙錄於後

嶼雲連竺境 湖月證潮音

林端挹甘露 峯際現青蓮

長見日華臨寶掌 依然帝釋駐香臺

御製聖因寺聯

山外皆山巒岫繞成清淨界 畫中有畫笙歌譜就太平圖
聖德遐昌北極恩光照北闕 皇仁遠被西湖瑞靄接西天

巡撫臣李衛

莊嚴勝地琅環福地東壁沐清光洵是此金鑾侍漏

晴雨宜時雪月佳時西泠談盛事最難忘玉輦巡遊

布政使臣德馨

公園在孤山正中俗呼外行宮清高宗南巡至浙曾建行宮於此咸
豐辛酉燬於粵寇光緒己卯邑紳丁丙白諸撫部重建文瀾閣餘皆
荒蕪今就其隙地改築公園於此登眺全湖在望洵湖山最勝境也
按乾隆十六年高宗奉皇太后鑾輿幸浙恭建行宮御題正殿額曰
明湖福地進垂花門殿額曰月波雲岫後爲園崇岡峻嶺閒敞軒爽
轉折千楹中有綠雲徑瞰碧樓貯月泉驚香亭領要閣玉蘭館竹涼
處四照亭適亭山頂高築一亭立雲峯四照之碣庭中奇石森秀喬

木蒼鬱又有垂釣磯峻峭崿跨以飛梁玲瓏窈窕莫可名狀樓閣參差莫可殫述說者謂今之公園不啻文王之囿也茲雖殿宇無存而舊址要皆可指彙錄御製諸聯以見當時之盛焉

蒼靄望中收四面湖光依几席
薰風行處徧六橋花柳間桑麻

千峯林影簾前月 四壁湖光鏡裏天

萬物靜觀皆自得 四時佳興與人同

雲窗靜挹巒峯秀 花徑平分松竹香

入座烟嵐鋪錦繡 隔簾雲樹繞樓臺

花雨潤時霑翰墨 竹風清處韻琴書

螺尖滴翠峯千疊 鸞尾凌霄竹萬竿

雲嵐靜對自高秀 城郭遠映餘青蒼

表裏湖山含動靜 虛明今古印羲娥

日遊曰豫所無逸 樂水樂山亦靜機

霽見山容凝翠黛 風披水面皺冰紉

朱文公祠在公園西明嘉靖間督學秦梁建祠於北山錦塢清順治

丁酉公裔孫請於官移建今處康熙間御書正學闡教扁額

德盛教尊廣千古聖賢傳心之要

仁昭化溥垂萬年子孫敬守之基

黃文偉公機

刪定贊修真千古同功較漢唐訓詁諸儒仰高山而倍切

德性問學原兩端並舉任陸王紛紜異說撼大樹以何能

朱珩

由孔孟而來二千年衛道傳經獨振斯文統緒

當光寧之世五十日格非陳善允宜此地蒸嘗

朱文正公珪

四照閣在孤山巔宋初關氏業也閣久廢明天順間郡守胡濬建仰

賢亭于其址成化間布政甯良仍以四照閣扁之

面面有檐環水抱山山抱水

心心相印因人傳地地傳人

亞字闌干字牆丁字箔心字香翼然井然咸宜左右

女史葉翰仙

東瞰日西瞰月南瞰山北瞰水高也明也宛在中央

丁不識

東西日月南北湖山俯仰中央宛在

墳典石渠圖書天祿列陳左右咸宜

丁不

神樂最宜楚詞古 明湖可惜蔣山遙

失名

林處士祠處士名逋字君復隱居孤山種梅養鶴足不及城市者二十年宋眞宗賜粟帛詔吏存問沒後仁宗賜諡和靖先生墓在放鶴亭北有巢居閣水亭祠在墓後咸淳四年大風幾毀官爲重建元提舉余謙構梅亭郡人陳子安持一鶴放之構鶴亭明嘉靖錢塘令王